



SIARAN MEDIA

UNTUK KELUARAN SEGERA

YAB PM UMUM INISIATIF YAYASAN PENERAJU UNTUK BANGUNKAN 3,500 AKAUNTAN BUMIPUTERA MENJELANG 2020

Program perakaunan beri tumpuan kepada pensijilan asas dan profesional akauntan

KUALA LUMPUR, 11 Februari, 2015 – Yang Amat Berhormat Perdana Menteri, Dato' Sri Mohd Najib Tun Abdul Razak mengumumkan program-program perakaunan kendalian Yayasan Peneraju Pendidikan Bumiputera (Yayasan Peneraju) untuk membangunkan kira-kira 3,500 akauntan bertauliah Bumiputera menjelang 2020 kini dibuka untuk pendaftaran.

YAB Perdana Menteri yang juga Pengurus Lembaga Pemegang Amanah Yayasan Peneraju berkata Gelombang 2 Program Yayasan Peneraju yang dibuka bermula tahun ini sehingga 2017, memberi fokus terhadap program pensijilan asas seperti Certified Accounting Technician (CAT), Certificate in Finance, Accounting and Business (CFAB), Certificate in Business Accounting - Chartered Institute of Management Accountants (CBA-CIMA) dan pensijilan profesional seperti Association of Chartered Certified Accountants (ACCA), Chartered Institute of Management Accountants (CIMA), Certified Public Accountants Australia (CPA Australia), Institute of Chartered Accountants in England and Wales (ICAEW), dan Malaysian Institute of Certified Public Accountants (MICPA-ICAA). Program tersebut mensasarkan 16,000 golongan Bumiputera akan menerima manfaat daripadanya. Di antara program-program yang ditawarkan Yayasan Peneraju adalah Program Peneraju Profesional Akauntan Muda, Program Peneraju Profesional Akauntan Sarjana Muda, Program Peneraju Profesional Akauntan Siswazah dan Program Peneraju Profesional Akauntan.

"Yayasan Peneraju diberi mandat untuk meningkatkan kuantiti akauntan profesional Bumiputera selaras dengan Hala Tuju Transformasi Ekonomi Bumiputera. Keperluan untuk melahirkan lebih ramai akauntan bertauliah sememangnya signifikan bagi mencapai status negara maju berpendapatan tinggi menjelang 2020. Pada tahun ini sahaja, Yayasan Peneraju telah membuka pendaftaran kepada 600 Bumiputera yang bakal menikmati pelbagai peluang latihan," ujar Dato' Sri Najib.

Yayasan Peneraju memperluaskan tawaran program perakaunannya bagi pelbagai golongan termasuk untuk lepasan SPM, lepasan asasi, pemegang sijil asas perakaunan, lepasan matrikulasi, lepasan diploma, pelajar tahun ke-3 ijazah sarjana muda dan juga lepasan ijazah sarjana muda. Program-program tersebut akan menawarkan pensijilan asas atau profesional perakaunan secara program separuh masa atau sepenuh masa supaya ianya memberi peluang kepada semua golongan Bumiputera yang berminat.

Peserta-peserta daripada program-program tersebut juga berpeluang untuk mendapat pensijilan profesional dan bekerja di lima firma perakaunan bertaraf antarabangsa iaitu BDO, Deloitte, Ernst & Young, KPMG dan PwC dimana peserta program diberi pendedahan kerjaya berkualiti sambil menjalani program pensijilan perakaunan yang diiktiraf di peringkat antarabangsa seperti ACCA, ICAEW, CIMA, CPA-Australia dan MICPA-ICAA.

Selain itu, Yayasan Peneraju akan turut membangunkan program yang menitikberatkan 'peluang kedua' kepada golongan Bumiputera menerusi program Peneraju Skil Perakaunan dan Peneraju Profesional Pensijilan Perakaunan yang menawarkan pensijilan profesional asas serta pensijilan profesional kepada Bumiputera yang sudah bekerja, di bawah umur 40 tahun dan masing-masing mempunyai kelayakan peringkat Sijil Pelajaran Malaysia (SPM); atau pensijilan asas, diploma atau ijazah sarjana muda.

"Saya ingin menyeru golongan Bumiputera supaya jangan lepaskan peluang untuk menceburi kerjaya sebagai akauntan dan majulah ke arah akauntan bertauliah

kerana kerjaya ini mempunyai nilai pasaran yang tinggi yang mampu menjana pendapatan yang lumayan," tambah Dato' Sri Najib.

Sejak diperkenalkan 3 tahun lepas, seramai lebih 200 penerima biasiswa telah menyertai dan menerima manfaat program-program perakaunan yang dianjurkan oleh Yayasan Peneraju. Kolaborasi strategik yang dimeterai sejak 2012 bersama dengan lima firma perakaunan bertaraf antarabangsa iaitu BDO, Deloitte, Ernst & Young, KPMG dan PwC telah memberikan pendedahan kerjaya berkualiti kepada peserta program sambil menjalani program pensijilan perakaunan yang diiktiraf di peringkat antarabangsa seperti ACCA, ICAEW dan MICPA. Manakala, jalinan kerjasama dengan Institut Perakaunan Negara (IPN) bakal menyaksikan 100 pemegang biasiswa dari sektor awam mendapat peluang pembiayaan.

Yayasan Peneraju yang bakal menyambut ulangtahun ke-3 pada 14 Februari 2015, membawa mandat yang lebih besar dalam memberi peluang latihan, menaiktaraf hidup dan kerjaya kepada 5,000 penerima manfaat untuk tahun 2015. Yayasan Peneraju telah mengakhiri Gelombang 1 yang berakhir pada 31 Disember 2014 (dari tahun 2012) dengan memberi manfaat kepada lebih 4,000 Bumiputera melibatkan 51 program, 28 pengkhususan kerjaya serta 10 industri merangkumi perbelanjaan sejumlah RM71.2 juta. Di antara contoh-contoh program yang ditawarkan YPPB termasuklah program Peneraju Juruteknik Pesawat Berlesen, Peneraju Skil Iltizam Industri Minyak dan Gas, Peneraju Profesional Jurutera Lokomotif, Peneraju Profesional Chartered Financial Analyst dan banyak lagi.

-TAMAT-

TENTANG YAYASAN PENERAJU PENDIDIKAN BUMIPUTERA (YAYASAN PENERAJU)

Yayasan Peneraju Pendidikan Bumiputera (Yayasan Peneraju) merupakan satu inisiatif di bawah Hala Tuju Ekonomi Bumiputera yang dilancarkan di bawah Unit Perancang Ekonomi, Jabatan Perdana Menteri. Fokus Yayasan Peneraju adalah untuk mengukuhkan pembinaan

keupayaan Bumiputera melalui pendidikan akademik dan juga vokasional selaras dengan aspirasi Malaysia untuk mencapai status negara maju berpendapatan tinggi pada tahun 2020.

Program-program intervensi Yayasan Peneraju antara lain termasuk:-

- Peneraju Tunas Potensi menyasarkan lepasan Sijil Pelajaran Malaysia (SPM) dan Sijil Tinggi Persekolahan Malaysia (STPM) untuk melanjutkan pengajian di IPTA/IPTS tempatan dan luar negara.
- Peneraju Tunas Geliga menyasarkan lepasan Ujian Penilaian Sekolah Rendah (UPSR) untuk melanjutkan pelajaran di sekolah berasrama penuh, MRSRM serta sekolah harian terpilih.
- Peneraju Tunas Iltizam menyasarkan golongan remaja berumur di antara 17 hingga 21 tahun untuk menjalani latihan kemahiran khusus sehingga ke pensijilan yang diiktiraf di peringkat antarabangsa. Bidang kemahiran khusus yang ditawarkan merangkumi bidang animasi, kecantikan, semburan dan mengecat, pemasangan perancah minyak dan gas, telekomunikasi, penyelaman berlesen PADI, pelancongan, pemasangan sistem paip mekanikal minyak dan gas, penyelaras peralatan berat minyak dan gas, pembinaan kerangka kapal, perkapanan, kerani operasi pelabuhan, dan pemandu ‘prime mover’.
- Peneraju Skil Elektrikal merupakan sebuah program pensijilan dengan usahasama TNB ILSAS yang menyediakan kemudahan pembiayaan kepada ‘Chargeman’ yang mempunyai kelayakan A4 untuk mendapatkan pensijilan di peringkat yang lebih tinggi bermula dari peringkat B0, B1 dan B4.
- Peneraju Skil Kimpalan menyasarkan lepasan vokasional dan bakat Bumiputera untuk mendapatkan latihan kemahiran kimpalan dan mengembangkan kerjaya dalam industri seperti minyak & gas, elektrik & elektronik, dan marin.
- Peneraju Skil Juruteknik Pesawat Berlesen menyasarkan lepasan SPM untuk menyertai industri perkhidmatan penyelenggaraan, pembaikan dan baik pulih pesawat (MRO) sebagai Juruteknik Pesawat Berlesen.

- Peneraju Profesional CFA menyasarkan bakat Bumiputera untuk menyertai sektor perkhidmatan kewangan tempatan yang menawarkan pendapatan yang lebih tinggi.
- Peneraju Profesional Pensijilan Perakaunan memberi penekanan terhadap konsep 'peluang kedua' yang menyasarkan tenaga kerja berjawatan eksekutif untuk mengikuti program ACCA, ICAEW dan MICPA-ICAA.
- Peneraju Profesional Jurutera Pesawat Berlesen menyasarkan pemegang Diploma atau Ijazah Sarjana Muda untuk menyertai industri perkhidmatan penyelenggaraan, pembaikan dan baik pulih pesawat (MRO) sebagai Jurutera Pesawat Berlesen.

Untuk keterangan lanjut mengenai Yayasan Peneraju, sila layari www.penerajuedu.com atau www.facebook.com/penerajuedu

Dikeluarkan oleh bzBee Consult Sdn Bhd bagi pihak Unit Peneraju Agenda Bumiputera (TERAJU)

Untuk maklumat lanjut, sila hubungi;

Felicia Ds Dousi – 010 290 3092, felicia@bzbee.com.my

Alia Wahidin – 017 991 5354, alia@bzbee.com.my

Azrul Izwan Amir Nazarullah – 012 938 8458, azrul.izwan@penerajuedu.com.my